



# ТОШКЕНТ ХАЖИКАТИ

ЎЗНОМА 1928 ЙИЛ 11 ДЕКАБРДАН ЧИҚА БОШЛАГАН

ЎЗБЕКИСТОН КОММУНИСТИК ПАРТИЯСИ ТОШКЕНТ ВИЛОЯТ ҚЎМИТАСИ,  
ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИНИНГ БОШ НАШРИ

● 1991 йил 19 январь ● шанба ●  
№ 14 (10.010) ● Баҳоси 10 тийин.

## КПСС Марказий Қўмитаси Сиёсий бюросида

КПСС Марказий Қўмитаси Сиёсий бюросининг навбатдаги мажлиси бўлди. Мажлис қатнашчилари партия мамлакатдаги аҳволга, КПССнинг ҳозирги сиёсатига доир баъзи масалалар юзасидан фикрлашиб олдилар. Литвадаги фожиали воқеалар муносабати билан КПСС Марказий Қўмитаси Сиёсий бюросининг Баёноти қабул этилди ва у матбуотда эълон қилинди.

КПСС Марказий Қўмитаси Сиёсий бюросининг аъзолари, Марказий Қўмита котиблари КПСС Марказий Қўмитасининг навбатдаги Пленумига тайёргарлик масалаларини ҳам му-

ҳокама қилдилар. Ушбу Пленумни КПСС Марказий Назорат комиссияси билан биргаликда бирлашган Пленум сифатида ўтказишга қарор қилинди. Бирлашган Пленумни 1991 йил январь ойининг охири — февраль ойининг бошларида ўтказиш мўлжалланди. Унда ҳозирги пайт тўғрисидаги ахборотни, шунингдек КПСС Уставини рўйхатга олиш тўғрисидаги, КПССнинг норматив-методик ҳужжатлари ва партия ташкилотларини сиёсий жиҳатдан мустаҳкамлаш ҳақидаги, иттифоқдош жумҳуриятлар Компартияларининг бюд-

жети тўғрисидаги масалаларни муҳокама қилиш режалаштирилмоқда.

КПССнинг норматив-методик ҳужжатлари лойиҳалари кўриб чиқилди. Лойиҳалар тегишли тарзда узил-кесил ишлаб чиқилгандан кейин КПСС Марказий Қўмитаси ва Марказий Назорат қўмитасининг бирлашган пленуми тасдиқлаши учун тақдим этилади.

Сиёсий бюронинг шу йил январь-март ойларига мўлжалланган иш режаси қабул қилинди. Партия ишга оид айрим бошқа масалалар ҳам кўриб чиқилди.

## Ўқ остида кўрсатилган ҳақиқат

ТАНИҚЛИ ТЕЛЕЖУРНАЛИСТ ЛИТВАДАГИ ВОҚЕАЛАР ТЎҒРИСИДА

Гап ажойиб журналист ва жасур инсон — «600 секунд» деб аталган Ленинград программасининг телешарҳчиси Александр Невзоров ҳақида бормоқда. У ўз бурчини бажариш — ҳаммамизга ҳолис ахборот бериш учун яна ўзини оловга урди.

Шу кунларда Ленинградда чиқадиган ва марказдаги турли газеталар халқни «ҳарбий диктатура» ҳужумга ўтганлиги билан қўчирмоқда. Бунинг устига, кўпгина радикал-демократлар, хусусан Ленинград кенгашидаги радикал-демократлар сиёсий обрў орттириш учун Литвадаги фожиали воқеалардан фойдаланиб қолаётган ўхшайди.

Қон тўкилишига йўл қўймайлик керак эди! Бунга ҳеч ким эътироз билдирмайди. Аммо нима учундир радикал демократларимиздан бирортаси ҳам қотилликни ким келтириб чиқарганлиги, беғуноҳ кишиларни танқид қилишга, автоматлардан отилган ўқлар рўпарасига ким итарганлиги ҳақида лом-мим демаяпти... шуни ҳам айтиб ўтиш керакки, Болтиқбўйидаги аҳволни муҳокама қилиб қарор қабул қилиш учун 15 январь кунги сессияга тўпланган Ленинград Советининг депутатлари ана шундай юзаки ва энгил-елпи хабарлардан руҳланган эдилар. Бу депутатларнинг энг мулойими ҳам ССЖИ Президенти истеъфо беришини талаб қилади.

Сессия телевидение орқали кўрсатилди. Сессия тугагандан сўнг А. Невзоров беш соат давомида «Маринск саройи»дан айтилган вайсашларни кўриш ва тинглашга мажбур бўлган ленинградликларнинг сабр-тоқатига офарин айтди. Қаттиқ гапми бу. Ҳа, шундай. Невзоров шундай дейишга ҳақлимиди? Ҳа, ҳақли эди Чунки унинг қўлида Литвадаги воқеалар тўғрисида ўз кўзи билан кўрган ахборотлар мавжуд эди. У радикал-демократик матбуот зўр бериб яширатган маълумотларни топиб келган эди.

...Вильнюс телеминорасининг биноси. Уни 160 нафар совет десантчиси қўриқламоқда. «Демократлар» бадном қилган, ёмон отликка чиқарган десантчилар қўриқлапти. Минора ўққа тутилмоқда. Десантчиларнинг фотосуратлари шаҳарда кўпайтириб тарқатилмоқда. Уларнинг кўзлари ўйилган, пешоналарига қизил олдун чизилган. Аскарлар ўлим жазосига маҳкум этилганлар.

Қайси айблари учун жазога маҳкум этилганлар? Қасамга содиқ қолганликлари учун. Яна, дейди Невзоров, «эфирни сақлаб қолганликлари учун, унитилмайдиган қонли шармандаликдан қутқариб қолганликлари учун ўлим жазосига маҳкум этилган. Халқнинг га-

забини кўзгатиш учун, миллий вазваса туғдириш учун куну тун телевидение орқали тарғиб этишлардан қутқариб қолганлиги учун маҳкум этилганлар...»

У мурасасизлик билан ачи-тиб гапиришга ҳақли эди. Чунки у гувоҳлардан сўраб-суриштирган, маълумотларни дастлабки манбалардан олган.

Нарх оширилишидан норози бўлиб Литва парламенти биноси олдида тўпланган одамларни жумҳуриятнинг қонуний ҳокимияти брандспойтлардан сув сочиб, тарқатиб юборганлигини биламиз. Аммо Невзоров эшиттиришига қадар одамларнинг устига қайноқ сув қуйилганлигини билмаган эдик. Бу «сиёсий олий мақсадлар» йўлидаги оддий ваҳшийликдир.

Уша кунларда полиция академиясининг биносида ўлимга маҳкум этилган яна 42 киши — алоҳида мақсадга мўлжалланган милиция Вильнюс отряди жангчилари қуршаб олинганлигини билмаган эдик. Жумҳурият ҳокимияти улардан қасамхўрлик қилишни, ССЖИ ва Литва ССЖ Конституциясига ҳоинлик қилишни талаб этишди. Милиция ходимлари жангга тайёрланишди, сўнгги томчи қонлари қолгунча ўзларини ҳимоя қилишга бел боғлашди. Виждонсизлик қилишдан кўра ўлимни афзал кўришди.

Буларнинг ҳаммаси Литвада «демократия ҳалок бўлаётгани» хусусидаги бир андоза билан тайёрланган гапларга мулақо ўхшамайди! Ҳа, бу жумҳуриятда демократия ҳалок бўлди, уни ушбу муқаддас тушунчадан ўз фарзли мақсадларида фойдаланиб келган кишилар ҳалок қилди. А. Невзоровнинг иши ишонтириб турибди: ўша машъум тунда ҳалок бўлган 13 беғуноҳ кишининг жасади Литванинг бош «демократ» В. Ландсбергис бўйнига осилдиқ турибди.

«Ҳа, Литва граждани уруши олови шаробини охиригача ичишга қарор берди, — деб таъкидлайди ленинградлик журналист... — Кичик ва катта, ифлос ва бақироқ сиёсатчилар Литва фожиаларидан ўзларига обрў излаб вазвасага тушиб қолдилар... Бу бақироқлар ва ақлдан озганларнинг бирортаси ҳам бизнинг юз минглаб руслар, украинлар, полякларни қурбон қилишга ҳақимиз йўқлигини тушунишни хоҳламайди, тушуна олмайди ҳам. Бундан кўра, армияни қоралаш, ёлгон гапириш осонроқ...»

Литва экстремистлари ва литваллик бўлмаган экстремистлар бу мард йигит — Невзоровга қандай нафрат ёғдиришларини энди тасаввур қилиш осон.

Н. ВОЛИНСКИЙ.

«Правда» муҳбири.  
Ленинград шаҳри.

## ССЖИ Олий Кенгаши Раёсатининг қарори

### ФОРС КЎРФАЗИДАГИ УРУШ ҲАРАКАТЛАРИ ҲАМДА СОВЕТ РАҲБАРЛАРИ КЎРАЁТГАН ЧОРА-ТАДБИРЛАР ТЎҒРИСИДА

ССЖИ Олий Кенгашининг Раёсати ССЖИ ташқи ишлар вазири А. А. Бессмертнийнинг Форс кўрфазидаги вазият тўғрисида берган ахборотини тинглаб ва муҳокама қилиб, бу минтақадаги танг вазият фожиали тус олганлиги, аслида кенг миқёсдаги урушга айланиб кетаётганлиги муносабати билан чуқур таассуф билдириб, қарор қилади:

1. ССЖИ Президенти М. С. Горбачевнинг Форс кўрфази районидagi уруш ҳаракатлари хусусида берган баёноти ва шу муносабат билан совет раҳбарияти кўраётган чора-тадбирлар қўллаб-қувватлансин.

2. ССЖИ ҳукумати Совет Иттифоқининг Форс кўрфазидаги можарога нисбатан тутатган сиёсий йўлини изчиллик билан давом эттириб, у ерда рўй бераётган воқеаларнинг ривожига ҳақида ССЖИ Олий Кенгашига доимо ахборот бериб туриши зарур деб ҳисоблансин. ССЖИ халқ депутатларининг муҳокама давомида айтган таклифлари ва мулоҳазалари ССЖИ Вазирлар Маҳкамасига юборилсин.

3. ССЖИ Олий Кенгашининг халқаро ишлар комитетига мазкур масалага оид ахборотни умумлаштириб, уни ССЖИ халқ депутатларига юбориб туриш топширилсин.

ССЖИ Олий Кенгашининг Раёсати турли депутатлар гуруҳлари ва уюшмалари вакиллари бўлмиш. ССЖИ халқ депутатлари номидан барча мамлакатлар парламентларининг аъзоларига мурожаат этиб, уруш ҳаракатларини дарҳол тўхтатиш учун ўз нуфузи ва имкониятларидан фойдаланишга чақиради.

ССЖИ Олий Кенгашининг Раисси

А. ЛУКЪЯНОВ.

Москва, Кремль.  
1991 йил 17 январь.

ССЖИ ОЛИЙ  
КЕНГАШИ РАИСИНИНГ  
ҚАРОРИ

### ССЖИ ОЛИЙ КЕНГАШИНИ ЧАҚИРИШ ТЎҒРИСИДА

Совет Социалистик жумҳуриятлари Иттифоқи Олий Кенгашининг бешинчи сессияси 1991 йил 18 февраль кунини Москва шаҳрида чақирилсин.

ССЖИ Олий Кенгашининг Раиси

А. ЛУКЪЯНОВ.

Москва, Кремль.  
1991 йил 18 январь.

● Утқир Тўрахўжаев Чирчиқдаги автотранспорт корхонасининг илғор ҳайдовчиларидан ҳисобланади. Мана, қарийб ўттиз йилдирки, у шу корхонада меҳнат қилиб келмоқда. Чирчиқ — Тошкент маршрутида қатновчи Ҳ. Тўрахўжаев ўз шериги Тўлқин Умаров билан ўн иккинчи беш йиллик топширигини ҳам корхонада биринчилар қаторида бажарди. Айни кунларда мазкур маршрут ҳайдовчлари жорий йилнинг биринчи ойна топширигини удалаш арафасида. Суратда: моҳир ҳайдовчи Ҳ. Тўрахўжаев.

Суратқаш М. МАХМУТОВ.


















● Шарқ мамлакатлари ўзларининг мухташам кўна обидалари билан машҳур. ТАСС сураткашлари тасвирга туширган ушбу суратларда уларнинг баъзиларини кўриш мумкин. Қоҳирадаги энг катта мечит (юқоридаги сурат) қурилганига яқинда 1111 йил бўлди. Аммо у ўзининг дастлабки кўринишини ўзгартиргани йўқ. Ҳиндистоннинг Ҳайдаробод шаҳри тимсоли бўлмиш Чор Минор ҳам неча замонлардан бери ўз гўзаллиги билан одамларни лол қолдириб келмоқда. (пастдаги сурат).



### БИР АСРДАН ОРТИҚ УМР

Янгийўл ноҳиясидаги Ленин номли жамоа хўжалигининг Ниёзбош қишлоғида истиқомат қилувчи Қумушой ая Отабоева 1883 йилда таваллуд топган экан. Ая яқинда 108 ёшга қадам қўйдилар. Бир асрдан ортиқ

умр кўрганларига қарамай кўплаб фарзандлар, юздан ортиқ неваралар, чевараларнинг донимий қуршовида фаровон ҳаёт кечирмоқдалар.

А. ҲАЙДАРОВ.

### ГЕРМАНИЙ... ТАШЛАБ ЮБОРИЛМОҚДА

Қудратли идораларнинг ўзаро алоқа боғламаганлиги натижасида ниҳоятда қимматбаҳо германий моддаси чиқитга чиқариб юборилапти. Бу модда Ангрен кўмири конининг кўмири қатламлари таркибида мавжуд. Мавжуд технологияга кўра, бу моддани фақат кул таркибидан ажратиш олиш мумкин. «Ангренэнергоцветмет» ихтисослаштирилган корхонаси айни шу иш билан шуғулланиши лозим. Лекин худди шу жойда идоралараро бошбошдоқлик бошланади. Кўмирчилар кўмирни энергетикларга сотишади. Улар эса уни Ангрен ГРЭида ёқиб, кулини ахлатга ташлашади. «Ангренэнергоцветмет» эса германийни Сахалиндан олиб келинадиган кўмир кулидан ажратиш олишга мажбур бўляпти.

## Б У Ш Ш И Ш А Ҳ А М К А М Ё Б

Турли ичимликлар ишлаб чиқарувчи корхоналар учун бўш шишалар танқислиги ҳамон давом этмоқда. Бунинг натижасида ана шу соҳа турдош корхоналари иш мароми бузиляпти. Биргина Тошкент вино бирлашмасининг тўла қувват билан ишлаши учун йилига 17 минг яшчик шиша идиш етишмайди. Оқибатда ишчиларнинг бекор туриб қолиш ҳоллари содир бўлмоқда.

Корхона план бўлимининг бошлиғи Н. Ғулумов бу танқисликни шундай шарҳлайди:

— Дарҳақиқат, шишаларни эҳтиётлаш муҳим аҳамият касб эталяпти. Ҳар куни минглаб шиша синади. Лекин уларнинг ўрнини тўлдириш муаммо бўлиб қолмоқда.

Бугина эмас. Ўтган йили не қийинчиликлар билан маҳсулот ишлаб чиқариш режасини 23 миллион 442 минг сўмга етказиб бажардик ёки 70 миллион шиша

ичимлик чиқардик. План бажарилди, бироқ бу 1980 йил кўрсаткичидан ҳам анча пастдир. Сабаби: Россиядан келтирилаётган идишларни шартнома бўйича ололмаямиз. Қувасойдаги ягона шиша заводи эса эҳтиётларини қондирилмапти. Роҳат кўли яқинида шиша буюмлари заводи қуриляпти. Янги корхона ишга туширилгач, ҳар ойда 50 минг дона шиша идиш олиш имкониятига эга бўламиз.

Шуни ҳам айтиш керакки, шиша танқислигини камайтиришнинг яна бир имконияти пайдо бўлди: ССЖИ нарх қўмитасининг қарорига мувофиқ шу йил 10 январдан бошлаб шиша идишларни қабул қилиш баҳоси ошди: ярим литрдан чоракан бир литргача бўлган шишалар 50 тийиндан, 0,33 литрли шишалар эса 30 тийиндан сотиб олинмоқда.

П. НИШОНОВ,  
ЎзТАГ мухбири.

### ССЖИ МОЛНЯ ВАЗИРЛИГИ ВА ССЖИ ДАВЛАТ БАНКИДА

ССЖИ молня вазирлиги билан ССЖИ давлат банки шунинг маълум қиладиларки, 1947—1956 йилларда чиқарилган ССЖИ халқ хўжалигини ривожлантириш давлат заёмлари облигацияларининг ҳақи ССЖИ жамғарма банкнинг муассасалари томонидан 1991 йил 15 декабргача тўланади.

### Жамил АКРОМОВ

Шу йил 16 январда жумҳурият аҳамиятига молик шахсий пенсионер, 1930 йилдан буён КПСС аъзоси Жамил Ақромов вафот этди.

Жамил Ақромов 1908 йил декабрда Тошкент шаҳрида деҳқон оиласида туғилди. 14 ёшдан эвоқда ишлаб бошлади. Кейинчалик у Урта Чирчиқ ноҳияси комсомол комитетининг масъул котиби қилиб сайланди. 1933 йилда олий қишлоқ хўжалик коммунистик мактабини тугатгандан сўнг Андижон вилоятида МТС бошлиқининг ёрдамчиси, кейин ўринбосари бўлиб ишлади. 1937 йилдан 1945 йилга қадар Бухоро ва Тошкент вилоятларида бир қатор ноҳия директори, кўмиталарининг биринчи котиби вазифаларида фаолият кўрсатди. Унинг кейинги меҳнат фаолияти хўжалик ва совет ишлари билан боғлиқдир. Шўро хўжалиги директори, Тошкент вилояти ижроия қўмитаси қишлоқ хўжалиги бўлими бошлиғи бўлиб ишлади. 1971 йилдан буён эса пенсияга чиққанди.

Жамил Ақромов масъулиятини чуқур ҳис этадиган, ўзига ҳам, бошқаларга ҳам талабчан, истиқболни кўра биладиган раҳбар эди. Шунинг учун ҳам фирқа аъзолари ва ҳамкасблари ўртасида обрў-этибор қозонганди.

У жумҳурият Олий Кенгаши ва халқ депутатлари маҳаллий Кенгашлари депутати, Ўзбекистон Компартияси съездларига делегат қилиб сайланганди.

Ж. Ақромовнинг меҳнати муносиб қадрланди. У Ленин, II даражали Ватан уруши ордени, Меҳнат Қизил Байроқ ордени, медаллар, фахрий ёрлиқлар билан мукофотланган эди.

Толмас меҳнаткаш, ташкилотчи Жамил Ақромовнинг ёрқин хотираси қалбларимизда абадий сақланади.

БИР ГУРУҲ УРТОҚЛАРИ.

Мухаррир ўринбосари  
Р. УМАРОВ.


БАҲОСИ: Обуначига — 6 тийин. Сотувда — 10 тийин.



— Бу танқис молларни қачон сотамиз?  
— Шу ерда ётаверсинчи, нархи яна ошармиши, деган гаплар юрибди...



— Соябинигизни дастаси тилладан эмасми, ука?



Кайфи тарқаган арақхўр:  
— Қани энди, сенинг ўриниңда мен бўлсам...

Рассом Иброҳим ҚОСИМОВ.

В. И. ЛЕНИН НОМИДАГИ ССЖИ ХАЛҚЛАРИ  
ДУСТЛИГИ САРОЙИДА  
4, 5, 6 ФЕВРАЛЬ СОАТ 16 ВА 19.30 ДА

### «ФАРҒОНА ТАРОНАЛАРИ»

ЯНГИ КОНЦЕРТ ПРОГРАММАСИ

ҚАТНАШАДИЛАР:

Ўзбекистон Ленин комсомоли мукофотининг совриндори, «КАМОЛОТ — 89» кўригининг ғолиби

Охунжон МАДАЛИЕВ

ва хушовоз хонанда

Қиличбек ТОЖИЕВ

раққосалар; Гулмира ШИРИНОВА ВА Раъно ЗОКИРОВА.

Программани — Уткир СИДДИҚОВ олиб боради.

Касса соат 11 дан 19.00 гача ишлади.

Телефонлар: 45-92-13, 41-74-30.

Эълонлар бурчдаги

В. И. ЛЕНИН НОМИДАГИ ССЖИ ХАЛҚЛАРИ  
ДУСТЛИГИ САРОЙИДА  
29, 30, 31 ЯНВАРЬ СОАТ 19.00 ДА,  
1, 2, 3 ФЕВРАЛЬ СОАТ 16.00 ВА 19.30 ДА

### «ҲАЗИЛ-3»

ЯНГИ ПРОГРАММА

ҲАЖВИЯ ВА

ҚЎШИҚ КЕЧАСИ

ҚАТНАШАДИЛАР:

Мирза Холмедов, Обид Асомов, Ботир Муҳаммадхўжаев, Собит Асомов, Тўхтамурод Азизов ва бошқалар.

САҲНАЛАШТИРУВЧИ РЕЖИССЕР — Ўзбекистон ССЖда хизмат кўрсатган артист, Ҳамза номидаги давлат мукофотининг совриндори Абдурашид РАҲИМОВ.

Чипталар соат 11.00 дан сотилади.

Жамоа буюртмаси қабул қилинади. Телефон 45-85-68.